


مجموعہ احوالِ خیر

۱۷ نجی سنہ

جزو، عدد : ۵۷

محرم ۱۳۱۴





تعريفات سید

اب :

کندی نوعدن اولمق اوزره نطقه سندن شخص آخر تولد ایلان حیوان .
(اب) لفظنک مدلولی حقایق اضافیه در . یعنی تصور و تعقلی دیگر بر حقیقتنک
دوشوئلسنه که بوراده ابندر ؛ محتاج اولان ماهیاتدن اوله رق ، کندیلرندن ابن
و بنت تولد ایدن کافه مخلوقاتا اطلاق اولمسنه گوره مؤلفنک تعریفی بو معنایه ملایم
اولور . شو قدر که تعریفده (نطقه) قیدینک ذکر ی (ام) ک که نطقه دن خالیدر ،
تعریفه دخولنی منع ایلر .

بعض علماجه (اب) ده ا خاص ، ده ا محدود اوله رق وجه آتی اوزره تعریف
اولمشددر : « نطقه سندن انسان آخر تولد ایلان انسان » .
بو ایکی تعریف آره سنده کی فرق ظاهر در : ایلک قوله گوره نطقه سندن ،
فقط بر نوعدن اولمق اوزره شخص آخر تولد ایلان کافه انواع و افراد (اب)
دینه بیلور ، قول ثانی به گوره بوتعبیر نوع انسانه اختصاص ایلر .

(اب) لفظنک اصلی (ابو) ثنیه سی (ابوان - ابوین - ابان) در . ابوین -
ابوان دینلدیگی زمان (اب ایله ام) قصد اولنور . جمعی اباء ، ابون ، تصغیری ابی ،
منسوبی ابوی در .

بر شینک موجد و مصلحی ، سبب ظهوری اولان ذوات و اشخاصه دخی اب

اطلاق اولنور . حتی شرایع قدیمه اربابی - مسبب الاسباب اولمق اعتباریله -
حق تعالی حضرتلرینه (اب) اطلاق ایدرلردی که انجیلده روایت اولندیقنه نظراً
حضرت عیسی : انا نطلق الی ابی وایکم بیورمشلردر .

لکن مرور زمان ایله (اب) لفظنک بومعنائی مجازیسی اونودیلهرق کله عند -
الاطلاق حقیقته صرف اولنمغه باشلامشدر . بوکما مبنی درکه (اب) لفظنک -
ولوکه صانع ، مهربی اعتباریله اولسون - حق تعالی حضرتلرینه اطلاق منع
اولنمشدر .

بین العرب (اب) عم معناسنده استعمال ایدیور . نصلکه (ام) ایله خاله
قصد اولنور : (ورفع ابویه علی العرش) قول جلیلنده اولدینی گبی که (ابون)
ایله پدر وخاله قصد اولنمشدر . فقط (اب لفظی) مفرد اولهرق بو معناده نه
ایات الهیهده نه احادیثده وارد اولمشدر . قران کریمده جمع صیغسیله وقرینهواضحیه
مستند اولهرق تغلیب (تغلیبه مراجعت اوله) طریقیه ذکر اولنمشدر .

قال الله تعالى حكاية عن بنی يعقوب :

« نعبد الله وَاِله ابائک ابراهیم وَاِسْمَاعِیل وَاِسْحَق »

ایت جلیلهده (اباء) لفظ شریفی یعقوبنک عمی اولان اسمعیلی دخی شاملدر .
والحاصل (اب) لفظی معلم وشيخه ، استاده وهکذا افاضه وتربیهیه وساطت
ودالات ایلیان اشخاصده اطلاق اولنورکه ترکجهده (بابا) لفظنک زرهلرده مستعمل
اولدینی معلومدر .

نحو عربیده (اب) لفظنک اعرابی یعنی حرکسی - یای متکلمه مضاف
ومصغر اولمدینی ومفرد بولندینی زمان - حروفلهدر . مثلاً رفعهده ابو ، نصبنده
ابا ، جرنده ابی دینلور . عادات عربدن اولمق اوزره اسمی مخصوصه ایله یاد
اولنلرینه مقابل اعلامه مضاف قلنان (اب) ایله تکنی ایتمگی دهها خوش کوررلرکه
ابو بکر ، ابو خنیفه وسانره بو قبیلهندر .

اباحه :

فاعلک دیلهدیگی گبی اتیان فعل ایلمسنه (ایش ایشلمسنه) اذن ورخصت . یعنی

بر فعلك آتيان و ترك جهتلى نظر شارعدہ مساوى بولمق ديمكدر كه نه ايشلنامسى منع ايله ايشلنامك جهتي قطعياً مطلوب ، نده ايشلنامسى منع ايله ايشلنامك جهتي كذلك قطعياً مطلوب اولور .

اباحه - بر شى ايشلك و ايشلنامك امرنده بزر مكلفينجه مساع و جواز اولمقدر كه حساب يسيردن بشقه نه ثواب، نه عذابى واردر . مثلاً - محافظه حياه مدارى اولان اكل و شرب جمله مزه فرض اولدينى گي تزييد قوت مقصديه اكل و شرب دخى مباحدر . لكن افساد صحت ايده جك يولده اكل حرامدر . ايفاي فرائض مانع اوله جق و عيالک اعاشه و انفاقى تأمين ايجون انساني كار و كسبدن آليقويه جق صورتده تقليل اكل و شرب، يعنى رياضت دخى جائز دكلدر . اغتدايه خدمت ايدن مواددن بشقه مثلاً تناول فواكه ايسه تحت اباحيه گير .

اباحه، بعضلرنجه حرامك و ديگر علماجه كراهتك ضدى عد اولنور . واقعا اباحه حلالده داخل و حلال اباحه نك فوقده و اباحه حلالك تحت شمولنده دركه، هر مباح جائزدر ديلمسه مقابل هر جائز مباحدر دينله ماز . زيرا جواز حرمتك ، اباحهده كراهتك ضد و مقابليدر . و جواز منتفى اولدقده حرمت قائم اولدينى گي، اباحهده بالطبع منتفى اولور . و بونك انتقاسيله دخى كراهت تحقق ايلر . لكن كراهتك تحقيقيه جواز منتفى اولميه بيلور . شو سبيله كه جواز و كراهتك اجتماعجه جواز واردر . مثلاً - كوله نك و يا اعمى نك اداى صلوت ايجون اماملرنده كراهت اولمقله برابر جوازده واردر .

اباضيه :

عبدالله ابن اباض نام ذاته منسوب بر جماعتدر كه، مذهبيرنه مخالف اولان اهل- قبله نك كفرينه قائلدر و آنلرجه مرتكب كيره اولانلر موحد غير مؤمن عداوانورلر . شو سبيله كه اعمالى ايمانده داخل اعتبار ايدرلر . (يعنى ايمان يالكز قلباً تصديق و لساناً اقراردن عبارت اولميه برق آنلرجه اعمال مفروضه نك اداسى دخى لازمدر) امام على ايله اكثر صحابهينى (العياذ بالله) تكفير ايلرلر .

بعض علما نك روايته گوره اباض، مروان بن محمد زماننده ظهور و خروج ايله

اهل سنت و جماعته از جمله بو مسئله لرده ودها بعض مسائلده مخالفت ايدرکه،
منسوبيني خوار جدن او چنجي فرقه يني تشکيل ايلر . طائفه مرقومه فرق مخالفه ناک
مناکحاتي تجويز و ميراثلريني حلال گوررلر . بو علماجه بحر عمان سواحلي و مسقط ،
طائفه اباضيه ناک بولنديني ممالکدندر .

مشاهير مورخيندن امام ذهبنک قولنجه خوارج اباضيه يوز الی اوج سنه
هجريه سنده افريقيه يني (تونس) استيلا و عسکري پريشان ايله نائب منصوري قتل
ايتمشلردرکه، ريسلري ابو حاتم و ابو عاد و ابو قره نام اوج شخص ایدی . امام
مشار اليهک اشبو روايتي طائفه مرقوميني طرابلس غرب برابره سندن عد ايدنلرک
قولنی تأييد ايلر .

ابتداء :

مصراع نانينک جزؤ اولنه دينور . مثلاً : سکر دفعه (مفاعيلن) دن مرکب
اولان بر ييتک ايلک جزؤنه، يعنی برنجي (مفاعيلن) . صدر ، ايکنجي و اوچنجي
مفاعيلن جزؤلرينه (حشو) دردنجي (مفاعيلن) جزؤنه عروض ، بشنجي
(مفاعيلن) جزؤنه که، ايکنجي مصراعک ايلک جزؤيدر (ابتداء) و آلتنجي
ويدنجي به کذلک حشو، سکرنجي (مفاعيلن) . دخی ضرب دينور . ييت درت
دفعه (مفاعيلن) جزؤندن مرکب اولور سه که، او حالده طبيعتيله حشو بولماز؛ ابتداء
اوچنجي جزؤی، تعبير ديگرله ينه مصراع نانينک ايلک جزؤی اولمش اولور
(بوکلره مراجعه)

ثانياً نحو يون عندنده (اسناد) سبيله يعنی بر نسبت ثبوتيه و يا سبيله ايقاعي
مقصديه اسمي عوامل لفظيه دن تجريد ايلکدن عبارتدر . (زيد منطلق) گبی . بو
حيثيله اولان تجريد (زيد و منطلق) اسملرنده عامل اعتبار اولنور که، بوايکی اسمدن
برنجيسنه مبتدا و مسنداليه و محذاعنه، ايکنجيسنه خبر، حديث، مسند تسميه اولنور .
(مابعدی نسخه تاليده)

طالب فائق زاده فهمی

